

Na osnovu člana 12.Zakona o udruženjima i fondacijama (" Službene novine F BiH " br. 45/02) , Osnivačka Skupština Udruženja rukometnih sudija na sjednici održanoj dana 13.05.2003.godine donosi

STATUT "UDRUZENJE RUKOMETNIH SUDIJA "

I OSNOVNE ODREDBE

Član 1.

Ovim Statutom se u cijelosti propisuju naziv i sjedište udruženja ;ciljevi i djelatnost udruženja;zastupanje i predstavljanje udruženja ;organi udruženja, njihove ovlasti, način imenovanja ,opoziva, trajanje mandata,kvorum i pravila glasanja, funkcija lica ovlaštenog da saziva skupštinu;oblik i sadržaj pečata udruženja;oblik i sadržaj znaka udruženja;sticanje i raspolažanje imovinom; način donošenja finansijskog izvjestaja i izvjestaja o radu; postupak za donošenje statuta i izmjena i dopuna statuta i drugih općih akata udruženja; uvjeti i način učlanjenjenja,prestanak članstva i odgovornost članova udruženja uvjeti i postupak pripajanja , razdvajanja i transformacije udruženja ; pravila za raspodjelu preostale imovine u slučaju prestanka rada udruženja i druga pitanja od značaja za ciljeve i djelatnost udruženja .

Član 2.

Naziv udruženja je "**UDRUZENJE RUKOMETNIH SUDIJA**"

Kratki naziv je **URS** .

Udruženje rukometnih sudija (u daljem tekstu : **URS**) ima sjedište u Sarajevu , ul. Ćemaluša br. 6 .

Član 3 .

URS je neprofitno, strukovno i dobrovoljno sportsko udruženje građana koje za preuzete obaveze odgovara svim sredstvima kojima raspolaze.

URS stiče svojstvo pravnog lica upisom o u registar udruženja .

URS djeluje na području Bosne i Hercegovine i u isto se mogu udružiti rukometne sudije i kontrolori sudjenja , te registrovana udruženja rukometnih sudija .

Član 4.

URS ima pečat .

Pečat je okruglog oblika promjera 30 mm sa natpisom po obodu :

UDRUŽENJE RUKOMETNIH SUDIJA SARAJEVO latiničnim pismom.

U sredini žiga je umjetničko rješenje rukometaša sa loptom .

Član 5.

URS predstavlja i zastupa predsjednik Upravnog odbora URS , a ukoliko je on spriječen zamijeniće ga član Upravnog odbora URS kojeg odredi Upravni odbor .

Član 6.

Predsjednik Skupštine URS brine se i odgovara za njegov rad u skladu sa opštim društvenim i sportskim standardima, te postupa prema zakonskim odredbama i odredbama ovog statuta ,provodi Skupštinske smjernice , zaključke i odluke.

II CILJEVI I DJELATNOST

Član 7.

URS je osnovano kao dobrovoljno strukovno udruženje u cilju ukupnog napretka u propagiranju , razvitku i unapredjenju rukometnog sporta sudjenjem i kontrole sudjenja.

URS u svrhu ostvarivanja ciljeva , samostalno odlučuje o svojim ustrojstvenim, stručnim, finansijskim i ostalim pitanjima , te samostalno odlučuje o eventualnom članstvu u drugim sportskim organizacijama na način predvidjen ovim statutom i zakonskim propisima .

Član 8.

Djelatnost URS je da :

- utvrđuje politiku , programe i planove rada radi razvijanja i kontrole sudjenja u rukometnom sportu ;
 - izučava Pravila rukometne igre , radi unapredjenja rukometnog sporta;
 - vodi brigu o sudjenju i kontroli sudjenja prema pravilima igre uz obavezujuću primjenu propisa Medjunarodne rukometne federacije (IHF) , Evropske rukometne federacije (EHF) i Rukometnog saveza Bosne i Hercegovine ;
 - organizuje seminare u cilju stručnog usavršavanja i osposobljavanja članova URS , radi podizanja kvaliteta sudjenja svojih članova primjenom pravila igre na utakmicama ;
 - priprema i provodi tečaje za sudije i vodi brigu o unapredjenju strukovnog rada ;
 - uspostavlja i uskladjuje djelatnosti i održavanje saradnje sa sportskim udružnjima u Bosni i Hercegovini i inostranstvu posebno sa Medjunarodnom rukometnom federacijom (IHF-om) i Evropskom rukometnom federacijom (EHF -om) ;
 - sudjeluje u stvaranju prijedloga o sastavu i uslovima organizovanja rukometnih takmičenja, te utvrđivanje lista sudija i kontrolora sudjenja prema kvalitetu sudjenja i kvalitetu kontrole sudjenja za rukometna takmičenja ;
 - vodi brigu o sportskoj osposobljenosti rukometnih sudija i kontrolora sudjenja Poslove i zadatke u skladu sa svojom djelatnosti URS obavlja neposredno .
- U svrhu osvarivanja svojih ciljeva URS sarađuje sa Rukometnim savezom BIH .

Član 9.

Rad URS je javan .

Javnost rada se ostvaruje na način utvrđen ovim Statutom te :

- urednim izvještavanjem članova o radu i djelovanju na sjednicama Skupštine ;
- objavljivanjem i dostavljanjem pisanih odluka članovima ;
- sudjelovanjem članova na skupovima i stručnim savjetovanjima ;
- pisanim izvještajima u biltenima ;
- sudjelovanjem u raspravama na sjednicama tijela ;
- sredstvima javnog informisanja ;
- objavljivanjem na WEB sajtu URS

Najmanje jedanput godišnje se izdaju prikladne knjižice u kojima se objavljaju aktivnosti URS u skladu sa programom i planom rada .

III ČLANSTVO U URS-a

Član 10.

Član URS može postati postati Zbor sudija kao Udruzenje članova rukometnih sudija i kontrolora sudjenja , registrovana i evidentirana u skladu sa zakonom , te svaki poslovno sposoban gradjanin Bosne i Hercegovine ili stranac koji je stalno nastanjen ili boravi duže od jedne godine na teritoriji BiH a ima zvanje rukometnog sudije ili kontrolora sudjenja.

Član 11.

Rukometnim sudijom se postaje polaganjem ispita u skladu sa ovim Statutom i propisima URS-a .

Nakon polaganja ispita učlanjenjem postaje se član URS-a.

Član URS djeluje u okviru podružnicu -zbor sudija u mjestu prijave prebivališta ili privremenog boravka .

Podružnica- zbor sudija moze postojati ukoliko ima najmanje tri člana a odluka o postojanju iste se donosi na Skupštini URS .¹⁰

Član 12.

Član URS-a posjeduje člansku kartu .

Izgled , sadržaj i način izdavanja čanske karte propisuje se posebnom odlukom Upravnog odbora.

U URS-a se vodi spisak članova o kojem se brine sekretar Udruzenja .

Član 13.

Svaki član obavezan je plaćati članarinu URS-a.

O visini članarine i načinu uplate za svaku godinu odlučuje Upravni odbor .

IV PRAVA, OBAVEZE I DISCIPLINSKA ODGOVORNOST

Član 14.

- Prava i obaveze članova URS-ovih članova su u skladu sa ovim Stautom su sudjelovanje u upravljanju i odlučivanju na sjednicama Skupštine i ostalim tijelima udruzenja ;
- birati članove svih tijela URS-a;
 - biti biran u tijela URS-a i na osnovu ovlašćenja sudjelovati u radu Udruzenja i tijela Rukometnog saveza Bosne i Hercegovine ;
 - suditi utakmice ,
 - kontrolisati sudjenje utakmica ,
 - unapredjivati svoje znanje i stručnu sposobljenost te prisustvovati stručnim seminarima koje organizuje URS-a ;
 - voditi brigu o sticanju i očuvanju ugleda URS-a ;
 - poštovati sve odluke i preuzete obaveze;
 - čuvati imovinu i poštovati pravila pri preuzimanju i izvršavanju obaveza ;
 - plaćati članarinu
 - ostvarivati ostala prava i ispunjavati obaveze.

Član 15.

Članstvo u URS-a prestaje:

- vlastitim zahtjevom ;

- neplaćanjem članarine ;
- isključenjem iz članstva zbog disciplinske odgovornosti uslijed povrede Statuta ili odluka tijela Udrženja ;
- gubitkom sudijskog zvanja ili zvanja kontrolora sudjenja ;
- brisanjem iz registra zbog prestanka djelovanja Udrženja;
- Odlukom Skupštine i
- smrću člana .

Član 16.

Zbog prestanka članstva član se briše iz spiska te gubi sva prava ustanovljena ovim Statutom i pravilnicima URS-a.

Član kojem je po bilo kojem osnovu iz člana 15. Ovog Statuta prestalo članstvo u URS , mora u cijelosti izmiriti obaveze prema URS-a i vratiti člansku kartu.

Član 17.

O prestanku članstva iz člana 15. stav 1. alineja 2 . ,3. i 4 odluku donosi Disciplinska komisija URS-a .

Na odluku iz stava 1. ovog člana , kao i svaku drugu odluku Disciplinske Komisije član URS može izjaviti žalbu Upravnom odboru, kao drugostepenom organu. Protiv drugostepene odluke može se uložiti zahtjev za zaštitu prava Skupštini URS u roku od 30 dana od dana prijema drugostepene odluke .

Član 18.

Sudija ili kontrolor sudjenja stiče pravo i obavezu na umirovljenje nakon sto je sa godinama života dostigao starosnu granicu za prestanak obavljanja dužnosti sudije , odnosno kontrolora sudjenja koja je utvrđena propisima URS-a , osim u slučajevima kada se isti nalazi na međunarodnim listama .

Prava i obaveze umirovljenih članova URS uredjuju se posebnim pravilnikom.

Član 19.

URS se može udruživati u sportske saveze i ostala strukovna udruženja .

O udruživanju URS odlučuje Skupština .

URS ima svoje podružnice – zborove sudija .

Član 20.

Protiv članova URS koji povrede odredjene odredbe ovog Statuta i Pravilnika o disciplinskoj odgovornosti pokrenuće se odgovarajući postupci.

Disciplinski postupak provodi tročlana Disciplinska komisija .

Član 21.

Zahtjev za pokretanje disciplinskog postupka uz dokaze za navode iz zahtjeva može podnijeti svaki član URS-a Disciplinskoj komisiji .

Disciplinski postupak provodi i izriče eventualne disciplinske mjere Disciplinski organ shodno odredbama ovog Statuta i Pravilnika o disciplinskoj odgovornosti .

Mandat Disciplinskog organa traje dvije godine .

Odredbe vezane za provođenje disciplinskog postupka , donošenje odluka , te izjavljivanje redovnih i vanrednih pravnih liječnika regulisale se Pravilnikom o disciplinskoj odgovornosti .

V USTROJSTVO I TIJELA URS

Član 22.

Tijela URS BIH su :

- Skupština ,
- Upravni odbor i
- Nadzorni odbor .
- Predsjednik Skupštine
- Predsjednik Upravnog odbora

A. Skupština

Član 23 .

Skupština URS / u daljem tekstu : Skupština / je najviše tijelo upravljanju Udruženja.

Skupština svoje odluke donosi na sjednicama o pitanjima iz svoga djelokruga djelovanja .

Skupštinu čine svi članovi Udruženja sa jednakim pravom glasa.

Član 24.

Skupština može biti sazvana kao :

- redovna
- izborna ili
- vanredna

Redovna sjednica Skupština se održava najmanje jednom godišnje .

Izborna sjednica Skupština se održava svake četiri / 4 / godine .

Vanredna sjednica Skupština se održava po potrebi i može biti izborna .

Sjednicom Skupštinom predsjedava

- redovnoj – predsjednik
- izbornoj – predsjednik do izbora radnog predsjedništva
- vanrednoj – predsjednik do izbora radnog predsjedništva .

Skupština pravovaljano odlučuje ako je sjednici prisutna dvotrećinska većina (2/3) većina zastupnika .

Član 25.

Sjednice Skupštine saziva Predsjednik Skupštine najkasnije 15 (petnaest) dana prije održavanja Skupštine svojom odlukom i pozivom

U odluci o sazivanju sjednice Skupštine mora biti napisan dnevni red , dan , mjesto i vrijeme održavanja sjednice Skupštine .

Član 26.

Predsjednik Skupštine mora sazvati vanrednu sjednicu Skupštine na pisani zahtjev:

1. Upravnog odbora ;
2. proste većine članova Skupštine i
3. Nadzornog odbora

Član 26. – A